



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.LXI. Sancti Patris Benedicti. M.LXXXI.

urn:nbn:de:hbz:466:1-38498

rit, fidem habeas. Datum Romæ apud S. Petrum sub annulo Piscatoris die 1. Decembris M. D. LX. Pontificatus nostri anno primo.

Antonius Florebellus Favellinus.

DILECTO FILIO GERWICO AB-
BATI WEINGARTENSI.

Fidelem Ec-
clesiæ navat
operam.

Constat autem ex diversis Principum & Pontificum scriptis ad eundem etiam deinceps litteris, quam fidelem tanto in negotio tum Sanctæ Romanæ Ecclesiæ, tum sui amantissimo Cæsari operam navaverit, non sine gravi & vitæ periculo, & Canobij sui dispendio, difficillimis negotijs & Legationibus dexterrimè perfunctus, ut hic tantus Vir, merito ad omnem posteritatem dignis laudibus deprædicetur. Ex Archivo & monim. Weingart.

IESU CHRISTI ANNU S. M. D. LXI.
Sancti Patris Benedicti. M. LXXXI.

V. Angelus
de Faggis
Mon. &
Abb. Casin.

IN Italia R. P. Angelus de Faggis Monachus & Abbas sacri Montis Casini egregiæ sanctitatis & doctrinæ eximia celebri fama Ordinem mirè ornatus. Is poetica facultate usque adeo excelluit, ut quidquid libuisset, facile & uberrimè extemporaneo pene carmine funderet & annunciaret. Teruntur manibus ejus versus Coloniae Agrippinæ impressi, in quibus prædixit illam venam, & pangendi carminis, admirabiles à natura impetus, apertissimè cognoscas. Plura etiam ad sacras Meditationes argumenta, Latino idiomate evulgavit; quæ Religiosam ejus mentem, & cœlesti flamma accensos animi affectus, facile ostenderint. Mirum, quæ rerum gerendarum solertia, atque dexteritate fuerit, tam providè ac feliciter cuncta ab eo administrata, Monasterij Jura ac Jurisdictiones asserta & conservata, plurima ab eodem structa & restaurata sunt. Trina administratione Casinum rexit utilissimè & sanctissimè annis undecim. Alia item primæ notæ Monasteria, ex consuetudine mutandorum Prælatorum Casinate, plures annos: imo Congregationem universam Præsidis Generalis honore atque officio temperavit; eodem semper prudentiæ & sanctitatis tenore & fama, [unde facile etiam subjectorum pro-

Ejusdem
in signa
merita.

fectum metiaris] cumque Angelum adæquè moribus, ac nomine se præberet, summam omnium Venerationem simul ac benevolentiam adeptus, vulgo Priscæ Virtutis & sanctimonie specimen, & germanus Casinatis Sodalitij alumnus prædicabatur. Quin imo vigere etiamnum Angeli nomen recenti memoria perinde ac novissimè demortui, Scipio noster amicissimus asseverat, esseque præcipuo cultu apud omnes, & in honore; tum propter vitæ totius periodum religiosissimè traductam, & egregia promerita; tum quia non desint, qui referant ejus cadaver, anno octavo, postquam terræ mandatum fuerat, integrum illæsumque se vidisse in sepulchro. Sed de reliquis ejusdem legendus idem Marcus Antonius Scipio in Elogijs Abbatum Casinensium.

Sed ne Italia cedere Hispania videatur, producendus è multis saltem unus est, pari sanctitatis opinione, inter perfectioris vitæ & famæ Monachos, absque ulla ullius contradictione sanctissimus & perfectissimus.

Is venerandæ memoriæ Franciscus Levorotus fuit. Is prodigosè omnino, singulari Numinis & Divinæ Matris gratiâ, per vocem cœlo delapsam, & distinctè per aëra exauditam, ad Montem Serratum, proprium Deiparæ in terris Domicilium vocatus, ibidem rarè omnino sanctitatis fundamenta posuit, deque virtute in virtutem mirificè profecit, inter splendidiora Hispaniarum, & obscurissimi sæculi hujus sydera, merito celebrandus. Fuit mirâ compunctionis gratiâ præditus, cumque alias singulari vitæ innocentia sese omnibus probaret, summa tamen animi demissione sibi per omnia displicens, jugi poenitentia rigore carnem edomans eandem perfectissimè spiritui subjecit, omni posteritati pro exemplo proprii contemptus & salutaris odij proponendus. Semel ad serum in die & frugaliter vescabatur; à fine Martiniæ nocte, usque mane (postquam totum diem Confessionibus peregrinorum excipiendis summa cum patientia dederat) coram Crucifixi imagine orabat; servus incomparabilis Cœlorum Augustæ, & æternum Montis illius totiusque Ordinis ornamentum.

Vere Ang-
lus re ut
nomine

V. Franciscus
Levorotus Mon.
Monterr.

Rigor vita
sancti viri.

Relix Obi-
tu. tum. Obijt octogenarius, ipsâ nocte
Nativitatis Dominicæ, cœlis renatus,
& illatus. *De quo consulendus Antonius*
de Jeyes noster, & Monumenta Mont-
ferrat.

IESU CHRISTI ANNU S. M. D. LXII.
Sancti Patris Benedicti M. LXXXII.

Gallicum
ab Hereti-
ci infesta-
tio. Nunc etiam Gallia, non minus
quàm Anglia & Germania pa-
titur ab Hæreticis, eadem plane & sæ-
pius crudeliora, quàm Roma à Tyran-
nis Ethnicis, Hugonotis & Calvini-
stis inexplicabilem cladem nostri præ-
cipuè Ordinis Cœnobij inferentibus,
nostris nihilominus in asserendâ con-
stanter contra eosdem Veritate persi-
stentibus, & tantam rerum suarum &
Fundationum antiquissimarum dissi-
pationem æquissimo animo ferentibus.
Exempla insuperabilis patien-
tiæ fuere admiranda; nec dissimilia,
destinata & concessa in cœlis præmia,
cum alij extorres atque exules in fa-
me, siti & nuditate vitam exigent,
multi per tormenta & crudelissimam
mortem, crudelitati Calvinistarum,
satisfacerent, & quod Catholici, &
quod Monachi dupliciter luerent. Ex-
ules inter. præstantiores dignitate &
meritis, exagitatus hoc ipso anno in-
dignissimis modis est Jacobus le Roy
noster ex Monacho & Abbate Archie-
piscopus & Primas Bituricensis, Urbe
ipsâ captâ ab Hæreticis, templisque ac
Monasterijs omnibus in ipsâ quoque
Metropoli, nedum extra, spoliatis &
pollutis, cum nihil tam sacrum & san-
ctum esset, quod tunc non fœdis & im-
puris unguibus, istarum Harpiarum,
& dementium, seu potius furentium
de genere Gerionaceo, rapacidarum
violarentur & contaminarentur; Ja-
cobo nostro omnibus omnium cala-
mitatibus infinitis modis angustiato
atque afflictio, ut suam ille rerum ja-
cturam vix pensitiferet. *Ex rerum*
Gall. & Bitur. Script.

Heretico-
rum rapa-
ctas.

Gerardus
Americani-
us Abbas S.
Bertini.

Ipso anno, immortalis Ordinis glo-
ria, postremis etiam hisce temporibus,
primam nostrorum Benedictini Ordinis
Ascetarum fortunam repræsentat,
Gerardus Americurius, Monachus &
Abbas celeberrimi Monasterij S. Ber-
tini in inferiori Germania, Vir ab sin-
gulari in Republicam. beneficentiâ
laudatissimus; Primus Audomaren-
sis.

um creatus Episcopus. Adeo is ho-
nor, perpetuò ab Optimo Numine
Ordini nostro reservatus, ut plerique
Orbis Christiani Episcopatus, & supe-
rioribus statim post Magni Patriarchæ
nostri Benedicti tempora sæculis, &
posterioribus etiam deinceps, de no-
vo conditi, vel à nostris primùm ini-
tiarentur, vel etiam in gratiam eorum-
dem conderentur, certè nostris com-
mendati, restituerentur, augerentur,
onarentur. *Ex Annal. nostr. Benedict.*
Germania Sacra & Prophana, Aquila
Jmp. Benedict. Menolog. nost.

Iterum in Hispanijs clarissimum
Ordinis nostri lumen extinguitur, Bea-
tæ memoriæ F. Petrus Alphonsus de
Burgos, Vir in sæculo spectatissimus,
insigni apud Carolum V. Augustum
auctoritate & gratia, qui summa om-
nium cum admiratione, florentissimis
fortunæ & rebus valedicens, & ab Ami-
cis atque Cognatis se abripiens, ad Mon-
tem Serratum profectus, ibique Mo-
nachum, humilemque Dei ac De i-
paræ servum profectus, tantopere pau-
lo post in omnium oculis profecit tan-
tisque virtutibus & vitæ perfectione
enituit, ut ad strictiorem Anachore-
tarum nostrorum ejusdem sacri Mon-
tis incolarum aspirans vitam, juxta
Magni Legumlatoris nostri Benedicti
monita, tanquam Monasterij proba-
tione diuturnâ bene doctus pugnare
contra Diabolum, vitia carnis & cogi-
tationum, admittit sit, ubi paulo post
dignissima eximie sanctitatis fama e-
nituit; quodiamque sese Numini
Victimam in summo Vitæ rigore ob-
tulit. Contemplationis autem subli-
missimo Studio addictissimus, utilita-
ti posterorum non pauca reliquit. Spi-
ritu, quo ipse plenus erat referentis-
sima, quæ inter Jeyes noster sequen-
tia recenset.

Petrus Al-
phonsus de
Burgos
Mon.

- De Immortalitate. Librum I.*
- De Beneficijs DEI. Librum I.*
- De Sacrosancto Altaris Sacramento. Li-*
brum I.
- De Vita solitaria. Librum I.*
- De Laudibus Cœli Reginae Matris Virg.*
Librum I.
- De Preparatione ad mortem. Librum I.*

Librorum
monimen-
ta.

Videatur Antonius de Jeyes To-
mo quarto. Centuriâ quintâ folio 145.
& sequ.

IESU

